

双井记

东台由鲁井以待人之汲也所在皆是何足異乚其为双井也世有一区而数井有一井而数垣未闻有異之者双井奚異乎異其为吾黄氏之双井也夫双井之名自宋以来豐产名贤偏达於縉绅错见於书史孰不知其異而要未知其所以也其所以異者何異其在修水之中有二石垣泉源湧出塵垢不能污沙磧不能蔽朗乚然如两玉环隐露於水中此其所以異也匪特他都人士不及知即生是邑者偶见於吟詠未遑於探索舟子渔人能探索而不知好无怪乎双井之异之真所以不出也昔苏髯翁闻石鍾山之奇初

得麗元之说而不信继得李渤之说而益疑必待艤舟绝壁夜央风作巨浪与石罅相吞吐然后得其噌吰之韵窾坎鏗鞳之因而石鍾山之真始出古人之不苟於辨物有如此嗟乎双井并列於水中不知几历年世矣至吾黄氏而其名始著则知地以人傳非其人而仍不傳独石鍾山也欤哉

白 龟 池 记

东白尚贤州治西十里许有池曰白龟昔予瞻祖户分甯命僕牧马於其地见一白钺光润如玉将捕之龟疾走入穴不可得僕扞策为表忙归告公公至池过见策已吐花公知

其異乃禱曰果屬其緣乞花謝花如公言遂葬馬鞍郡君劉氏於其內累世顯榮亦可知
地之鍾靈非偶然矣竊思天生品彙人靈而物蠢孰知物中有倍靈于人者何造化之不
可測耶然龜固靈而非槩靈也蓋必歷之千歲而后靈其靈亦非槩施也則必積德累仕
而龜特為之卜地以施報耳不然昔毛寶所市而放者亦白龜非寶之德龜即靈詎能知
保戰北於何地墮水於何時一一不爽而救之哉是龜固靈寶亦盛德士故能獲 之報
今吾祖妣享此佳城非甚盛德亦安能致白鉞之指示哉

十龙名墓记

分甯之有山谷与眉山之有东坡其节义文章震惊宇内者名贤之记载如林予愧鄙何敢续 雍正十年岁次壬子由府州郡倅调分甯即太史山穀先生桑榆故里也下车后思一谒其祠墓而苦为簿书所羁适因陈姓与裔孙廕生国柱因坟地犬牙致成雀角讼於郡伯杨公属州勘之其地距城西一十五里古名双井太史先生墓在焉循墓而东约里许有山归状若虎伏古塚纍乚即太史祖讳湜伯叔祖讳灝讳注等墓前有翁仲石獸尚存未泯即 姓冒称祖墓混争开垦处查灝官刑薄尚书虽其后代式徵子孙散处而翁仲石獸断非平人所得而有陈氏各祖皆係处士其非 墓也明甚窮遡讼根由於黄山未战鳞册其故虽不可考但誌载黄注墓在双井敕葬祖坟之处是山谷之祖坟在东

山穀已坟大西州志犁然二且明季林都憲为營记立構享堂載山糧一十六畝五分皆
为左券正不得以鱗冊之漏造遂断其无山也再按 姓词称祖坟三塚地名老坟山黄
姓词称十龙名墓地名大坟山虎形细阅二姓家乘 姓載老坟山而无虎形字样及勘
现在之墓累七十余处与 姓三塚之语多寡悬绝省其形状类於虎伏确为黄山无疑
然 姓奴奴猶以收糧为辨试部 墓葬自前明宏治年间是为世业何至康熙七年始
向张氏收糧四升七合豈非画蛇添足自露破綻耶又查陈姓所收之糧现有叶源等处
坟山一糧而两射已不待言牒上郡大夫高公俯如所议断归黄姓樵管猶念坟前咫尺
之地恐黄氏子孙他年开垦栽种有伤先灵示州飭禁保全先贤千百年之后者元所不
至先贤有知當为感泣今注黄氏裔孙磨礪片石请为记因节敘讼始末及讞决之语付

之贞俾黄氏子孙世守弗失云尔

奉直大夫知江西南昌府甯州事加三级记录六次

张耀会遵飭敬撰

同寅学正李藻训导曾康州同胡锡熊州判杨杰吏目程振

乾隆五十八年岁次癸丑季秋

九峯祠记

念夫人必有祖宗必有庙创修祠宇报本返始之心尊祖敬宗之意实寓於此然有肇建者作於前尤赖缮修者继於后徒守旧制莫屡增新久经风雨其不至於倾圯者几希矣

我祖 朝汶公乃山谷公裔孙由甯州双井始迁於九峯拓其立业貽厥子孙厥后椒衍
瓜绵星罗碁布而祠宇之建询谋筮同乾隆壬午我族人密居桑梓者聿捐其址咸输以
鑫经营谋度翕然创建焉斯时也乃堂虽構室庑未修越戊寅有祯亚英松林诸君復叙
族众协力同心以葺乃事而且量力捐输以供禋祀惟我居近地者與焉然土木之工举
兴两次规模尚属促狭族長老咸以为堂室未隆庭階未崇猶未足以妥 先灵至壬辰
岁叔曾祖能升公同族良佐富有亚英啟元位林席上有德松林召周中立诸君定其议
即董其事丹楹刻桷上续宗堂以奉 神画阁彫甍外架譟臺以娛 祖易其横居建军
以廊屋懃乚懃乚两更寒暑而功始竣自时厥后我族内守祀九峯捐田者愈多散处他
乡输金者亦復不少是祠所以棲 祖宗之神而敬宗牧族尤寓雅意焉抑又闻之莫为

之前雖美弗彰莫為之後雖盛弗傳历年既久瓦桷摧殘楣楹剝蝕勢必重加補葺乃於道光辛丑族尊光耀元旦樺芳起仕暨於兄燦輝有朝任重兼吾族達喜亭从繕完之嚴君曙齋共親謀度之勞晨入昏出沐雨披星凡百所需各取攜於家以期齋事竭情盡愼克一乃心未備者續修之規模廓然大敞坏者整飭之棟宇煥然新譔以對匾益致尊嚴增以祀田愈圖丰潔其功於茲不益大乎於戏庙貌常新 灵爽之憑依罔恫罔怨田畴日闢后人之祀典不怠不疎惟愿继起者守法 先人力敦孝弟念创业之维艰各抒葛藟庇根之意世乚勿替也爰是鐫图以昭不朽遂详述修祠之事以记之

咸丰六年丙辰夏四月

裔孙发珍聘吾谨識

九峯祠迁改记

礼曰别子为祖继别为宗此子若孙所以纘承勿替也自大失以上得立家庙以薦馨香
士庶人亦必立宗堂以序昭穆族之有祠由来尚以顾创立有年倾圯之患势所必至则
恢张先绪更立远模者不得不急起而图之矣我九峯 祖肇自有宋迺山谷公之曾孙
朝汶公由江西甯州而迁是焉椒衍颀绵至乾隆戊午始建祠宇於九峯山麓之幡形忠
今百五十年间已三修矣而代远年湮未免椽摧桷蠹兼之堂非吉壤不足以妥 先灵
岁丁亥族达咨谋改造僉曰迁地为良乃卜基於故址之上曰天心塘背寅面申兼艮坤
信乎鍾灵毓秀之区抑亦发祥啓瑞之所也经之營之越戊子冬而功遂竣所费不下数

千有奇而力役之功特资近族焉惟公费不充赖族之有力者筹之 朝汶公各房外如朝桂公朝政公贵房亦各输金以赞其成所谓尊祖故敬宗敬宗故收族者其是也夫纵我族星罗碁布散处各县者未尽萃涣而合离而庙成藐北葛藟之义即于是存焉于戏莫为之前虽美不彰莫为之后虽盛弗传他日者丕振家声其式廓以光先人之令绪则祖宗之德泽固将传之亦襮而无窮也是所望于后起者谨埶族达捐名泐之于右以垂不朽云

子丕九父裔南功志堂甫谨識

清潭宗祠序

廟者貌也言乎先人形貌所在也易言王假有廟三禮言宗廟祭祀之禮纂詳詩書所載祭先祖之事章矣雖世運紛歧極其術至於千變萬化獨此報本追遠之典水源木本之思磅礴綿結於人心與天地而終古豈非返古復始不忘其所由來上與下有同情古與今無二理耶吾族長 麓雲公履春露而怵惕感秋霜而悽愴營宮室以宗廟為先此志盟之清夜久矣歲丙申甲芳假館公家見公所行皆修齊之道聞公所言皆遠大之謨而尤以倡修祠宇為急務居吾何信族人謀曰吾族自省坦之司馬里邑東之三陽街以及今修宗譜之九峰所在建有祠宇皆不次捐金以去然山川悠遠行者苦之曷若就地建祠庶几族眾人集而祀事孔明也族人咸聽公言以為作廟樓靈禮也合眾成美義也唯

礼与义可弗急行乎遂乃集金貲相基址庇材鳩工经营有日矣越明年春公竟以寿考
终嗟乎美善之举未终而领袖之人遽陨盖顶立基礎以有待也且夫莫为之前雖美弗
彰莫为之后雖盛弗傳而公之长子薛卿次晉卿次秦卿次虞卿慨然以继述为己任復
集黃泥洞坳上行官公裔及狹境倒座大文公裔诸族人輸金以葺事岁癸卯经始至甲
辰岁落成举行祭祀岁以正月为常合房房苗裔濟濟乎笾豆趨愴陈时食以薦馨香念
前勲而怀明德觀其裳衣祭器宛然先人之在目而仕孝忠敬之心油然而生矣吾知溯政
教於穎川攷文章於江夏读世观之傳书发西江之诗派人也必能振刷精神以绍述其
表而恢张先绪吾祖若宗呵獲有灵实式憑之矣篤亲则兴仁敬宗则收族是则吾族入
合建祠宇之志也夫

朝政房大文公裔孙加同知銜优附贡生甲芳谨述

孟二公祠记

我祖孟二公由平江九峯徙居长邑爬沙桥即今白沙桥也公子五长思书次思翰 明敏 聪翰早逝明公敏公各徙居湘阴长善等处聪 公居孟公湾思书公二曰宗道曰宗仁宗仁无嗣世居其地者乃宗道公之裔也傳三代至惟元公生四子志秉 彝 伦才分居四源志秉公居无双源 彝公居棠花源 伦公居橄览源 才公居度梗源椒衍瓜绵雍睦久矣又傳数代至先祀佩韩公因老祠寫远子姓日蕃思所以敬宗收族遂悚然有肇修祠宇之志嘉庆辛酉岁命姪俊伟公邀合三源族众捐地揆日鳩工庇材建上下两架亭楼中峙所未与者惟 秉公一房耳於时董其事者自俊伟公外棠花源则有二酉公度梗源则有绍遽公协力同心不憚勤劳越数寒暑祠始告成顾斯时也庙貌

雖新而祀典尚未舉也先叔父紹儀公族文品公及族兄杏圃升階等於是復於祠內各
房捐田數十畝以奉蒸嘗焉噫嘻宗堂翼乚先人之靈爽式憑祀典煌乚后嗣之冠裳
畢集伊誰之力欵入是祠而與是祭者可不憬然思哉茲因九峯老祠續修譜牒召源贊
勸源性闊疎何能勝此重任然壬子四修先大父佩韓公曾膺首士之責辛卯五修先君
子慕唐公又親枚閱之勞念昔先人業皆為之於前矣今六修之舉源雖不才敢不勉
承先志乎於是竭情盡慎與二三同事努力求成並將白沙橋建祠置田原委逐一叙明
附載篇末惟望我房繼起者念先人之創垂為艰無任風雨剝蝕無使強暴侵漁上以繩
祖武下以貽孫謀廟貌常新田疇日闢則幸甚矣

咸豐六年丙辰夏四月

裔孫發源菊圃謹識

梓江房孟九公祠记

闻之君子将营宫室必先 宗庙实所以妥 先灵也溯我 先祖孟九公其长子思颜
由岑地九峯迁往梓江今已二百有余载虽子孙蕃衍而宗庙尚阙如嘉庆己卯冬族长
序常等慨然有肇修之志邀集族内靡不欣从并择各房山木成材者悉捐入公用迺未
及经始而倡修者或髦及而先逝矣道光甲申岁咸临周厚梁栋暨慕训显达人和万奇
至善永章绍兴进先泰和昭明广训国祥讲学高魁和鸣永宏谦章等始度地揆曰鳩江
庀材以共成其事向立辛乙兼戌辰由此 宗堂奕北 先人之灵爽式憑祀典煌匕后
代之冠裳弗替迄今又十年矣然 庙雖成而工猶未竣族中更举秦和上达和鸣珪璋

欽若昌藻等重加修飾休哉此前人之協力勞心即經世代綿延而宗枋如故繼起者
必有以追前人之締造而修葺之庶乎不墜箕裘以光昭旧緒也舉凡敦倫飭紀歷堂階
而思丕振家聲孰非孝子仁人之甚事也哉祠既新謹鐫數語於石以俟后之敬祖者悉
厥由來焉是為序

道光十九年己亥歲春月穀旦

志勝十三世孫玉山萃峯采藻氏浣手敬撰

狹境大文公祠記

當讀史至宋仁宗詔中外文武官創立家廟而知宗廟之設所以本仁而觀德昭孝而通
神為人生反古復始之急務倘子孫安處而任祖宗飄泊於無何有之鄉豈仁人孝子之

心也哉此營宮至所以必先宗廟也我族之有祠人矣省垣司馬里黃氏總祠邑之北鄉
張峯老祠三陽街清潭各祠所在捐金甚夥每歲按期致祭禮亦宜之獨不一思夫祖宗
之精神魂魄往也憑依於生前釣遊之地沒后邱墓之區低徊留之不能去呼吸通之而
忍隔膜視之耶惟就近地以建宗祠祖若宗不違顏咫尺潔爾春蔬精爾秋黍如春秋繁
露去歲四祭者因四時所生之物熟而祭其先祖父母其勢甚便其情易達也族眾因是
會商建築捐金集貲拓基址於狹境之祖屋灣內鳩工庀材體象天地經緯陰陽創始於
宣統三年辛亥之春落成於是歲之冬計三棟兩橫屋前三門堂上堂下東序西序棟宇
巍峨足以妥先靈而將祀事矣是祠也族父老歡欣鼓舞早懸此念於數十年以前而經
費不敷未能集事豈成斯美舉會有常期乎抑晉其機以待後人之繼述乎今是祠制度

丰敞文物著明来脉由梧岡嶺绵亘而来去水则纏绕而入甕江远近文峯拱秀左右砂
水迴环天若设此奇局以促后人之成立未必非祖若宗呵護之灵也自兹以往远执笏
豆以联族姓近立宗庙以重本支禴祠烝嘗岁修祀事而趨跲之间得以覩其洋洋如在
之形矣俎豆华莘庠序盈门合族众习仪讲礼於其中孝弟之心油然而生矣思齐心二章
曰惠于宗公神罔时恫而即继之以型妻子至兄弟御家邦其卒章又云成人有德小子
有造古之人无斁誉髦斯士从此家有型式后多誉髦前此科名宦续之盛不又将见於
今日哉

裔孙甲芳谨識

流芳庙坳上衍官公祀记

礼君子将营宫室宗庙为先展孝思也族衍官公妣彭氏康熙间由清潭迁居黄泥洞坳上子孙世居此地以孝友傳其家以耕读敦其业遊庠序登贤书科第蝉联后先相望可云盛矣夫子孙皆有闔廬以避燥濕寒暑而不为祖若宗作宗庙水源木本之谓何以故省垣總祠九峯老祠近建清潭祠公之裔孙等各捐金壁以去固未嘗以山川悠远而忽淪祠烝嘗之义然致骏奔於远道未成鸿構於近居势与祖若宗相隔阂将春一蔬秋一黍与夫岁时伏臘烹羊宰羔莫由隨致祭见祖若宗於羹牆公之裔孙等惻然念之矣念夫向为衍官公生聚有费作历年祭扫之需酌祭扫之余资建宗庙之善举名正言顺於

追远之义尤完足众义欣然迺者相其阴阳观其流泉拓基址於华阳山百术屋场岁庚戌矩地规天鳩工庀材採松柏之丸丸起栋宇之翼至次年辛亥落成计三栋两横屋前三庙门於铄乎堂上堂下东序西序笾豆踰匕笥管脩举足以妥先灵而将祀事矣是祠也显廷升泮盈川先生等未肇修而物故训安宝贤两先生未竣工而物故於是喜兆佐才乐意星辉若廷龙臣诸先生之责任綦重提纲挈领尤日不暇给嗟夫莫为之前雖美费彰莫为之后雖盛弗傳美盛之举固难能而可贵者乎以有余之财仍有益之用以视世之因公积充裕而无端浪费者其相去为何如耶芳族今岁就近地建祠亦此意也夫建祠於百柱屋声顾名思义有百子千孙子孙千億右以砥柱中流作擎天柱者復得山川之胜地地灵者人杰子子孙孙必有恢衍宦公之绪擢高科登显仕以光耀门庭者

诗曰维桑与梓必恭敬止今 官公裔孙等營宗庙於桑梓祖若宗不违颜咫尺齋明盛服以承祭祀乃真洋洋乎如在其上如在其左右矣永言孝思弥切先灵密迩福荫无疆芳是以於宗庙告成缀数以为衍官公裔孙等庆

宣统二年庚戌岁孟冬穀旦

族甲芳勉钦敬撰 裔孙湘藻荫生敬书

朝政公迁徙记

谱牒之修原以敦本叙族俾涣者合而为一也我黄钉自歇公及山谷公分支其谱之载纪傳之先代续之近今云详已周矣奚必各为其序以明之哉然而其为族也繁其迁徙也各異儻不各知其所有则后之人识其本源之同昧其支分之異如我祖自朝政公徙

汉昌而衍也始则文翰文琳公迁平邑九墩市安定桥越数世而后迁邑西梧之岡湘阴之花门楼新市街於此统溯大宗则山穀公是也核稽世系则相之孙朝政公是也更进而论其迁徙高曾则文翰文琳公是也又进而著其目前则大文大化大鸞公是也夫是以不憚烦琐书其序以弃之云

乾隆九年甲子岁季秋月

裔孙长辉起六谨識

朝汶孟八宗隆支迁徙记

宗隆裔益重字德仁原居平邑岑川九峯永乐年间迁居浏阳黄浒洞撞标落业迄今五百余年矣

黄浒洞位于浏阳北乡龙华山下水出社港而达湘江乃长平浏三县交界之中心此地
来自肖山之脉依龙华之峯群山起伏环抱洞外人烟稠聚堪称山青水秀天宝物华此
处乃刘北之圣地也

憶前辈之傳述迁居此地时荒山峻岭古木参天虎嘯哀啼蓁莽荒秽堪比世外桃源二
代祖仲广仲赞公继又五惟分四坪祖先出作人息戴月披星开垦地荒拓成基业铺路
修桥勾通三县之要道嗣是子孙安居于此故黄浒洞而得名焉溯乾隆四十八年有常
头尋姓者云我黄浒之标业山主属寻强勒交租经长沙府太爺下乡踏看对案审实确
属黄姓之业至民国三年由邻人唐巨卿喻文卿等证实县府批示发给益重裔孙管业

证据一纸创业难守成亦不易先祖久经惨淡经营由荒山而开基业由少有而至完善
创业之功绩诚不可磨灭之

先祖益重偕龙氏定居黄浒乃我支发源之祖歿葬石堀坪虎形夫妇合墓寅山坤向有
碑记此地由龙华山脉而来拥护穴情螺形湾碧水萦绕穴前三湾栏头曲水回旋关封
锁甚可谓福人得福地也缅怀我祖承先启后卓有貽谋生而为英死而有灵當默扶后
裔福荫无疆矣愿后裔世业弥兴有为有守谨载黄浒洞同来之巅末使后世子孙得以
稽考云

裔孙萃钰字琪璋敬录